


# МИНЕИ БОГОСЛУЖЕБНЫЯ (СЕНТЯБРЬ-АВГУСТЪ).

Мѣсяца Августа въ 30-й день.

Служба святому благовѣрному великому князю Александру Невскому.

НА ВЕЛИЦѢЙ ВЕЧЕРНИ,

Поёмъ: Блаженъ мужъ, 1-й антифонъ. На Господи  
воззвахъ: стихиры святому на 8, гласъ 6:



По имени твоему тако и житіе твое, благовѣрный княже Александре: мужествомъ бо на земли и добрымъ правленіемъ, нынѣ же на небеси молитвами помоществуеши людемъ твоимъ. Тѣмже ты, и въ тебѣ славиമാго во святыхъ Своихъ Бога почитаемъ.

Добръ строитель и добль воинъ, скипетромъ на престолѣ право правя, и во брани оружіемъ защищая люди твоя, сугубыя чести сподобился еси отъ Вышняго Правителя и Господа Саваоѳа.

**Б**о́льшія любве́ никто́же і́мать отъ сея́, а́ще кто́ положи́тъ ду́шу свою́ за дру́ги своя́; сицево́ю лю́ди твоя́ возлюбилъ еси́, на ору́жіе вра́жіе за ня́ му́жественно исходя́, Бо́гу осѣня́ющу надъ главо́ю твоёю въ де́нь бра́ни.

**М**оисе́я и Дави́да и про́чихъ люде́й Бо́жіихъ вождо́въ подража́я, му́жественно во бра́нѣхъ за лю́ди твоя́ подвиза́лся еси́, тѣмже и на небеси́ съ ни́ми, побѣдитель, торжеству́еши, моля́ся о во́инствующихъ ко Го́споду.

### **Сла́ва, гла́сь тойже:**

**В**есели́ся, Ижерская земле́ и вся́ Россі́йская страна́, Варя́жское мо́ре, восплеци́ рука́ми, Нево́рѣко́, распространи́ своя́ струи́: се́ бо князь тво́й и влады́ка, отъ и́га свѣ́йскаго тя́ свободи́вый, торжеству́етъ во гра́дѣ Бо́жіи, его́же веселя́тъ рѣ́чная устремле́нія.

### **И ны́нѣ, богоро́дичень, гла́сь тойже:**

**К**то́ Тебе́ не ублажи́тъ, Пресвята́я Дѣ́во, кто́ ли не воспоётъ Твоего́ Пречи́стаго Рожде́ства? Безлѣ́тно бо отъ Отца́ возсія́вый Сы́нъ Единоро́дный, Тойже отъ Тебе́, Чи́стыя, пройде, неизрече́нно вопло́щся, естество́мъ Бо́гъ Сый, и естество́мъ бы́въ Человѣ́къ на́съ ра́ди; не во двою́ лицу́ раздѣ́ляе́мый, но во двою́ естеству́ несли́тно познава́емый. Того́ моли́, Чи́стая Всеблаже́нная, поми́ловатися душа́мъ на́шимъ.

## **Входъ. Прокімень дне. И чтенія три.**

### **Премудрости Соломоновы чтеніе.**

**П**раведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ лицемъ чловѣческимъ, аще и муку приимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріятъ я. И во время посѣщенія ихъ, возсіяють, и яко іскры по стеблю, потекутъ. Судятъ языкомъ и обладають людьми, и воцарится Господъ въ нихъ во вѣки. Надѣющіися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣченіе во избранныхъ Его.

### **Премудрости Соломоновы чтеніе.**

**П**раведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъ въ броня правды и возложитъ шлемъ —

судъ нелицемѣренъ. Прииметь щить непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станеть имъ духъ силы и, яко вихоръ, развѣетъ ихъ, и опустошитъ всю землю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

### **Премудрости Соломоновы чтеніе.**

Праведникъ, аще постигнетъ скончатися, въ покои будетъ. Старость бо честна не многолѣтна, ниже въ числѣ лѣтъ исчитается. Сѣдина же естъ мудрость человѣкомъ, и возрастъ старости — житіе нескверное. Благоугоденъ Богови бывъ, возлюбленъ бысть, и живый посредѣ грѣшникъ, преставленъ бысть. Восхищенъ бысть, да не злоба измѣнитъ разума его, или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ,

исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковоѣ, яко благодать и милость въ преподобныхъ Его и посѣщеніе во избранныхъ Его.

#### **На литіи стихи́ра хра́му и свято́му стихи́ры, гла́сь 4:**

**Д**а веселится днесь но́вый Израїль о сотворшемъ его, и сынове россіѣстїи да возрадуются о князѣ своемъ, благовѣрномъ Александрѣ Невскомъ: се бо царскою діадімою вѣнча его Царь царствующимъ.

**А**ще нами и владычествуеши, благовѣрный княже Александре, обаче раба Божія ты именуемъ, Егоже, владычествуя, намъ Господа своего исповѣдалъ, Емуже послужилъ, отъ Негоже и услышалъ еси: благій рабе, добрый и вѣрный, вниди въ радость Господа твоего.

**П**рельстишася фарисее, глаголюще: кто отъ князь вѣрова въ Онъ? Се бо благовѣрный князь Александръ Невскій вѣрова во Иисуса распятаго, и благочестіемъ угоди Ему, и воспріять спасеніе вѣчное.

**В**оистинну вѣрный и мудрый строитель былъ еси, Александре, егоже постави Господь надъ рабы Своими, россійскими народы; блаженъ еси, ибо во время кончины твоея пришедъ къ тебѣ, Господь

обрѣте тя добръ творяща, и надъ всѣмъ имѣніемъ на небесіи постави тя.

### **Слава, [гласъ 1:**

**В**озвеселитесь днесь, россійстии народи, ликовствуйте, начала и власти: се бо плоть отъ плоти и власть отъ власти ва́шея, благовѣрный князь Алекса́ндръ Не́вскій, лику́еть со а́нгелы на небесіи, и всѣхъ своихъ сродниковъ и властей, и подъ властію сущихъ, на духовное созываетъ торжество, о всѣхъ мо́лится ко Го́споду.]

### **И нынѣ, гласъ тойже:**

**С**е исполнися Исаиино прореченіе: Дѣва бо родила еси и по рождествѣ, яко прежде рождества, пребыла еси, Бо́гъ бо бѣ Рожде́йся, тѣмже и естества́ новопресѣче. Но, о Богома́ти, моленія Твои́хъ рабо́въ, въ Твое́мъ хра́мѣ приноси́мая Тебѣ́, не презри, но яко Благоутро́бнаго Твои́ма рука́ма нося́щи, на Твоя́ рабы́ умилосе́рдися, и моли́ спасти́ся душа́мъ на́шимъ.

### **На стиховнѣ стихиры свято́му, гласъ 6:**

**И**сповѣдавшаго імя Іисусово предъ челове́ки, исповѣдуетъ тя Іисусъ предъ Отце́мъ Свои́мъ на небесіи; и мы на земли воспѣва́емъ тя, благовѣрне Алекса́ндре, яко моля́щагося о душа́хъ на́шихъ.

**Стихъ:** Честна́ предъ Господемъ смѣрть преподобныхъ Его́.

Сѣрдцемъ вѣровалъ еси́ въ правду, усты́ же предъ мучителемъ исповѣдовалъ еси́ во спасѣніе; убо́ яко́ истинный исповѣдникъ и наслѣдникъ, моли́ся о спасѣніи ду́шъ на́шихъ.

**Стихъ:** Блаже́нь мужъ, боя́йся Господа, въ заповѣдехъ Его́ восхо́щетъ зѣло́.

Мучениковъ подража́тель, не убо́ялся еси́ пострада́ти, яко́ добръ вои́нъ Иису́съ Христо́въ, изволе́ніемъ бы́въ мученикъ. Тѣмже и съ мученики вѣнча́лся еси́ отъ Подвигополо́жника Иису́са.

### **Слава, гласъ 2:**

Прииді́те, вси́ россі́йстїи чїни, восхвали́те добра́го чинонача́льника: власти́ — му́драго строите́ля, вои́ни — прехра́браго вои́на, правосла́вія любите́ли — тве́рдаго исповѣ́дника, изволе́ніемъ мученика. Повину́йтесь наста́внику ва́шему, и покаря́йтесь, и ви́дѣвше кончи́ну его́, подража́йте вѣрѣ́ его́.

### **И ны́нѣ, богоро́дичень, гласъ тойже:**

О, чудесе́ но́ваго, всѣ́хъ дре́внихъ чудесѣ́! Кто́ бо позна́ Ма́терь, безъ мужа́ ро́ждшую и на руку́ нося́щую всю́ тва́рь Содержа́щаго? Бо́жіе е́сть изволе́ніе Ро́ждшееся. Его́же́ яко́ Младѣ́нца, Пречи́стая, Твои́ма рука́ма носив́шая, и ма́тернее

дерзнове́ніе къ Нему́ иму́щая, не преста́й моля́щи о  
чту́щихъ Тя, уще́дрити и спасти́ ду́ши на́ша.

### **Тропа́рь, гла́сь 4:**

**П**озна́й свою́ бра́тію, россі́йскій Іо́сифе, не въ  
Еги́птѣ, но на небеси́ ца́рствующій, благовѣ́рный  
кня́же Алекса́ндре, и приими́ моле́нія ихъ, умножа́я  
жи́та лю́демъ плодоно́сіемъ земли́ твоея́, гра́ды  
влады́чества твоего́ огражда́я моле́ніемъ и  
наслѣ́дникомъ твои́мъ на сопроти́вныя спобо́рствуя.

### **Инь тропа́рь, гла́сь тойже:**

**Я**ко благоче́стиваго ко́рене пречестна́я о́трасль  
бы́ль еси́, блаже́нне Алекса́ндре, яви́ бо тя Христо́съ,  
яко нѣ́кое Божество́нное сокрови́ще Россі́йстѣй  
земли́, но́ваго чудотво́рца, пресла́вна и богопри́ятна.  
И днесь, соше́дшеся въ па́мять твою́ вѣ́рою и  
любо́вію, во псалмѣ́хъ и пѣ́ніихъ раду́ющеся,  
сла́вимъ Го́спода, да́вшаго тебѣ́ благода́ть исцѣ́леній.  
Его́же моли́ спасти́ гра́дь се́й, и держа́вѣ сродни́къ  
твои́хъ богоуго́днѣй бы́ти, и сыно́вомъ россі́йскимъ  
спасті́ся.

---

### **НА УТРЕНИ,**

**По 1-й каѳі́смѣ съда́ленъ, гла́сь 4. Подо́бень: Яви́лся  
еси́.**



**Да** веселітся днёсь но́вый Израїль о сотвор́шемъ его́, и сы́нове россі́йстіи да возра́дуются о князѣ́ своёмъ, благовѣ́рномъ Алекса́ндрѣ́ Не́вскомъ: се́ бо ца́рскою діа́дімою вѣнча́ его́ Ца́рь ца́рствующимъ. **[Два́жды.]**

**Сла́ва, и ны́нѣ, богоро́дичень:**

**Пречи́стѣи** ру́цѣ́ Твои́, Дѣ́во Ма́ти, простѣ́рши, покрѣ́й упова́ющія на Тя́, и Сы́ну Твоему́ зову́щія: всѣ́мъ пода́ждь, Христе́, ми́лости Твоя́.

**По 2-мъ каѳі́смѣ, сѣ́далень, гла́сь 3. Подо́бень:**

**Красотѣ́** дѣ́вства.

**Благода́рно** зове́мъ вси́ Христо́ву уго́днику, прилѣ́жно моля́щеся: разруши́ бра́нь страсте́й на́шихъ, и отжени́ дѣ́монская мечта́нія, блаже́нне, и моли́ Христа́ Бо́га дарова́ти на́мъ ве́лію ми́лость. **[Два́жды.]**

**Сла́ва, и ны́нѣ, богоро́дичень:**

**Недомо́сленно** и непостижи́мо е́сть, Влады́чице Богора́дованная, е́же содѣ́ланное о Тебѣ́ стра́шное Бо́жіе та́инство, и́бо Необыме́ннаго, заче́нши, родила́ еси́, плоти́ю обложе́на от пречи́стыхъ крове́й Твои́хъ; Его́же всегда́, Чи́стая, яко́ Сы́на Твоего́, моли́ спасти́ся душа́мъ на́шимъ.

**По́ліелей и велича́ніе:**

**Велича́емъ** тя́, благовѣ́рный кня́же Алекса́ндре, и чте́мъ святу́ю па́мять твою́, ты́ бо мо́лиши о на́съ Христа́ Бо́га на́шего.

**Псаломъ избранный:** Терпя́, потерпѣ́хъ Го́спода...

**По поліеле́и съда́лень, гла́сь 4. Подобень:** Удиви́ся Іо́сифъ.

**Ду́хъ Святы́й** тя́, блаже́нне, наста́ви оте́чество твоё́ па́ствити на па́житехъ спаси́тельныхъ, и Христо́съ свѣти́льника тя́ показа́ явѣ́. Сего́ ра́ди лику́й и весели́ся со дерзнове́ніемъ, я́ко сугубы́я вѣнцы́ отъ Вѣнцада́вца при́имъ. **[Два́жды.]**

**Сла́ва, и ны́не, гла́сь тойже:**

**Удиви́ся** Ио́сифъ, е́же па́че естества́ зря́, и внима́ше мы́слию и́же на руно́ до́ждь, въ безсѣ́менномъ зача́тіи Твоёмъ, Богоро́дице: купину́, огне́мъ неопали́мую, же́зль Ааро́новъ прозяб́шій, и свидѣ́тельствую, обру́чникъ Тво́й и храни́тель священникомъ взыва́ше: Дѣ́ва ражда́етъ и по рождествѣ́ па́ки Дѣ́вою пребыва́етъ.

**Степе́нна, 1-й антифо́нь 4-го гла́са. Проки́мень, гла́сь 4: Вознесо́хъ избра́ннаго\*** отъ люде́й Мои́хъ. **Сти́хъ:** Сего́ ра́ди пома́за Тя́, Бо́же, Бо́гъ Тво́й, [еле́емъ ра́дости па́че

прича́стникъ Твои́хъ]. **Ева́нгеліе отъ Іоа́нна, зачало 36.**

### **По 50-мъ псалмѣ́ стихира, гласъ 6:**

**Приидіте,** вси́ людіе, хвалу́ принесёмъ блаже́нному, вопіюще сице: ра́дуйся, пресвѣ́тлый сто́лпе, просвѣ́щая насъ чудесъ́ свѣ́тлостью́; ра́дуйся, ро́сный о́блаче, пла́мень погаша́яи страсте́й и ороша́яи вѣ́рныхъ мы́сли, божѣ́ственный Алекса́ндре.

**Кано́нь моле́бный Богоро́дицѣ́, со ирмосо́мъ на 6, и свято́му на 8.**

**Кано́нь свято́му, гласъ 8.**

**Пѣ́снь 1.**

**Ирмо́сь:** *Воду проше́дъ, [я́ко су́шу, и египетскаго зла́ избѣ́жавъ, израильтянинъ вопіяше: Изба́вителю и Бо́гу на́шему пои́мъ].*

**Досто́йными похвала́ми воспѣ́ти пресла́внаго чудотво́рца, у́мъ и смы́слъ да́руй ми́, Христе́ Бо́же, я́ко да воспою́, ра́дуясь, па́мьть его́.**

**Свѣ́тильниче многосвѣ́тлый Росси́йскія земли́, я́коже второ́е со́лнце, чудесы́ сія́я, всѣ́хъ насъ помина́й, соверша́ющихъ па́мьть твою́, Алекса́ндре блаже́нне.**

**Б**огомудре Александре, аще ты и напоследокъ лѣтъ богопросвѣщенная Россійская страна возрасти, но древнихъ чести сподобился еси, дарованіе чудесъ достойно приѣмъ.

**Богородичень:** Законовъ кромѣ естественныхъ, Дѣво, родила еси Законодавца Бога, Человѣка бывша. Того, яко Блага, моли, Всенепорочная, наша беззаконія презрѣти.

### **ПѢСНЬ 3.**

**Ирмосъ:** *Небѣснаго круга [Верхотворче, Господи, и Цѣркве Зиждителю, Ты менѣ утверди въ любви Твоей, желаній краю, вѣрныхъ утверждѣніе, единое Человѣколюбче].*

**С**вѣтильникъ свѣта явился еси, Александре всеблаженне, недуговъ глубокою тмѣ разрушая всегда, зарею свѣтлою чудесъ, премудре.

**П**рестолу предстоиши благодаѣти, со всѣми ангелы радуяся днѣсь, и міру исцѣленія раздавая богатство, спаси всѣхъ насъ молитвами твоими, блаженне.

**Б**лагочестиваго и вѣнценоснаго Александра, сошедшеся, по достоянію восхвалимъ, яко чудесъ подателя обильнаго и Господу молящася о всѣхъ насъ.

**Богородичень:** Яко воистинну Господь воцарися въ Царствіе не отпадающее, и облечеса псаломски изъ Тебе, Богомати, въ красное благолѣпіе, плоть святую, еюже смерть пріять и разруши ея царство.

### **Съдалень, глась 8:**

Яко звѣзда́ многосвѣтлая явился еси, свѣтлаго ради житія твоего, сосудъ Святаго Духа бывъ. Сего ради по многихъ лѣтѣхъ во гробѣ нетлѣнны обрѣтошася святыя твоя мо́щи, отъ нихже источаеши рѣки чудесъ исцѣленій вѣрно зовущимъ ти: радуйся, благовѣрный великій княже Александре. **[Дважды.]**

### **Слава, и нынѣ, богородичень:**

Се Тебе роди родо́въ славятъ, якоже прорекла еси, Отроковице, Создателя бо всѣхъ была еси пала́та и Божественный храмъ, въ немже вселися Вышній и плотию обложи́ся, да спасетъ насъ.

### **Пѣснь 4.**

**Ирмосъ:** *Услышахъ, Господи, [смотрѣнія Твоего таинство, разумѣхъ дѣла Твоя, и прославихъ Твое Божство].*

**Зарею** Трисолнечныя благодати сіяя, свѣтлѣ твой праздникъ творящихъ озари и страстнаго

омрачѣнія дѣмонскаго изба́ви, Алекса́ндре пресла́вне.

**Ца́рие** и кня́зи, и священни́цы, и вельмо́жи, и ста́рцы со ю́нотами, и ве́сь во́зрастъ, свѣ́тло предъигра́йте и па́мьятъ блаже́ннаго въ пѣ́снехъ возвели́чите.

**Къ** Божѣ́ственному Свѣ́ту ны́нѣ преста́вился еси́, Свѣ́та сы́нъ возлю́бленъ бы́въ, въ ра́дости и красотѣ́ съ ли́ки а́нгельскими ны́нѣ ра́достно лику́еши.

**Богоро́дичень:** Имѣ́ю Тя́ Помо́щницу и не посты́ждуся, Пречи́стая Ма́ти Бо́жія; имѣ́ю Тя́ Предста́тельницу и вра́гъ мои́хъ не убою́ся.

## **Пѣ́снь 5.**

**Ирмо́сь:** *Утренююще, вопі́емъ Ти́: [Господи, спаси́ ны, Ты́ бо еси́ Бо́гъ на́шъ, развѣ́ Тебе́, ино́го не вѣ́мы].*

**Я**ко звѣ́зда свѣ́тла́ яви́ся непрелѣ́стна, плѣ́нѣнныхъ свободи́тель, и ни́щихъ богати́тель, и боля́щихъ вра́чъ, царей́ поборо́никъ и оте́чества на́шего утвержде́ніе.

**Я**ви́ся въ Росси́стѣй земли́ чудотво́рецъ пресла́венъ, Алекса́ндръ блаже́нный, я́ко все́свѣ́тель свѣ́тильникъ, сія́я во все́мъ ми́рѣ и во мра́цѣ страсте́й озаря́я вся́.

**Д**осточудная и преславная память твоя возсия въ Россійстѣй земли, блаженне, и радостно вѣрныхъ веселитъ соборы.

**О**тверзошася тебѣ двѣри едемскія, и несказаненъ свѣтъ и трисіянень возсия, блаженне, въ неподвижимѣмъ Царствіи небеснѣмъ, и праведныхъ веселіе пріялъ еси, радуяся.

**Богородичень:** Мертвости и тли избавила еси чловѣчество, естествомъ бо Жизнодавца и Бога безъ сѣмене родила еси, Дѣво Всенепорочная, на благодареніе восхваляющихъ Тя вѣрно.

## **Пѣснь 6.**

**Ирмосъ:** *Очисти мя, Спасе, [многа бо беззаконія моя, и изъ глубины золь возведи, молюся, къ Тебѣ бо возопихъ, и услыши мя, Боже спасенія моего].*

**О**тъ пречестнаго корене израсль еси вѣтвь, преславне, и благочестно на земли пожиль еси, и пріятелище чисто Духа явился еси, освящая вѣрою притекающія ти, блаженне.

**В**еселія днесь исполнися вся Россійская земля въ нарочитый день праздника преславнаго чудотворца, Александра блаженнаго: соблюдаетъ бо отечество свое выну ненавѣтно.

**С**иротъ и вдовъ заступника и въ бѣдахъ непоборимаго помощника, пѣснями Александра

ублажимъ, славяще: празднующихъ бо память его весело отъ бѣдъ избавляетъ и скорбей.

**Богородичень:** Сущій пресвятый храмъ, Богородице, Источникъ родила еси, Всенепорочная, неисчерпаемый, Владычице.

#### **Кондакъ гласъ 4:**

**Я**коже сродницы твои Борисъ и Глѣбъ явишася тебѣ съ небесе въ поможь, подвижающемуся на Велгера Свѣйскаго и воевъ его, тако и ты нынѣ, блаженне Александре, прииди въ поможь твоимъ сродникомъ, и побори борющія ны.

#### **Икосъ:**

**И**же древле навѣтами вражиими расточенныя, яко орель птенцы подъ крилѣ, собираше люди своя, сей и нынѣ на духовное торжество собираетъ насъ; приидите убо, возрадуемся Господеви, и прославимъ прославльшаго сродника нашего и владыку, и возопимъ: радуйся, российская славо, скипетровъ державо, воевъ храбрость, оружия крѣпость! Поминай стадо твое, надъ нимиже Господь постави тя, и побори борющія ны.

#### **Пѣснь 7.**

**Ирмосъ:** *Отъ Иудеи дошедше, отроцы, [въ Вавилонѣ иногда, вѣрою Троицкою пламень пещный*



*попраша, поюще: отцевъ Боже, благословенъ еси].*

**Д**несть Церковь Христова, празднующи Александрово торжество, сошедшимся воистинну источають благодать, прилѣжно молящимся и любовію поющимъ его.

**В**о всѣхъ странахъ россійскихъ произыде вѣщаніе, яко явіся въ нихъ чудотворецъ преславенъ, источая исцѣленій множество всѣмъ поющимъ теплѣ.

**Ч**удесы убо твоими, яко цвѣтъ, процвѣлъ еси, блаженне, и исцѣленія подаваеши притекающимъ въ кровъ твой, мудре и досточудне.

**Богородичень:** **О**тъ дѣвственныхъ ложеснъ Твоихъ воплощся Богъ, явіся на спасеніе наше. Тѣмже Тя Матерь вѣдуще, Богородице, правовѣрно вопіемъ Ему: отецъ нашихъ Боже, благословенъ еси.

## **Пѣснь 8.**

**Ирмосъ:** *Богоглаголивии отроцы, [въ пеци со огнемъ пламень попирающе, пояху: благословіте, дѣла Господня, Господа].*

**Т**ебѣ въ чудесѣхъ славна Россійскимъ странамъ показа Богъ, Александре, и украси ты небесными дарами, Того моли помиловати всѣхъ насъ.

**Я**ко утро, яко день свѣтлый твой праздникъ явился, просвѣщая наша сердца, и всѣхъ съ вѣрою восхваляющихъ тя, Александре преславне.

**Д**ень торжества и праздникъ веселія наста, стецемся, вѣрнии, очистивше вкупѣ души и тѣлеса: се бо насъ призываетъ Александръ божественный.

**Богородичень:** Образы носящи древле Рождества Твоего, Дѣво Мати: пещь убо юношей не опали, такожде и огонь Божественный утробы Твоея, Чистая.

## **ПѢСНЬ 9.**

**Ирмось:** *Ужасеся о сѣмъ небо, [и земли удивишася концы, яко Богъ явился человекомъ плотски, и чрево Твое бысть пространнѣйшее небесъ. Тѣмъ Тя, Богородицу, а́нгеловъ и человекъ чиновачалія величаютъ].*

**Т**вое святое преставление днесь свѣтло празднуемъ, исполни радости и веселія восхваляющія тя, Александре великоимените.

**В**елий щитъ и крѣпость въ Россійстѣй земли, Александре, обрѣлся еси, православнымъ же христіаномъ похваление, и нынѣ молимся ти: сохраняй отечество твое отъ языка чуждаго.

**Н**езаходимаго свѣта лучами во тмѣ сущимъ сіяя, славне, къ просвѣщенію веселія настави ны, поющія тя.

**Б**лаженне Александре, како ты возможемъ воспѣти достойно? Не можетъ бо языкъ изглаголати твоя различная исцѣленія, и многая дарованія, и чудеса, яже подаваеши наслѣдію твоему.

**Богородичень:** Яко утро, темнымъ и блудящимъ, Дѣво, возсія Правды Солнце — Христось, Егоже на рукахъ Твоихъ носила еси, Чистая.

**Свѣтилень. Подобень: Жены, услышите.**

Слышана бысть въ Свѣйскихъ странахъ превеликая слава твоя, Александре, яко единомъ мужественнымъ именемъ твоимъ устрашахуся сопротивнии; и нынѣ, блаженне, враги наша невидимо устрашай, ополчающіяся на христолюбивое твое войнство. **[Дважды]**

**Слава, и нынѣ, богородичень:**

Тя пѣсньми немолчными ублажаемъ, Дѣво, яко отъ Троицы Единого родила еси, Богородице, и носиши на божественную руку пребогатое Слово, непремѣнно и неизмѣнно.

**На хвалитехъ стихиры святаго на 4, гласъ 8.**

**Подобень: О, преславнаго чудесе!**

**О, преславнаго чудесе!** Мѣромъ обладающей оставляетъ мѣръ, скипетроносець россійскій

отлага́еть ски́петръ, совлача́ется порфи́ры и гробно́ю покрыва́ется плащани́цею, вѣнча́нная гла́ва княжескую діади́му съ себѣ́ низлага́еть, вре́менное ца́рство оставя́еть на земли́, о вѣ́чномъ извѣ́стенъ на небеси́, идѣ́же вѣнча́ся ца́рскою діади́мою. **[Два́жды]**

**О**, ко́ль мно́гія враги́ побѣди́ль еси́, прехра́брый во́ине Иису́съ Христо́въ! Ви́димыя — мечѣ́мъ и благоче́стіемъ, неви́димыя — моли́твою, плоть — воздержаніемъ, ми́ръ — отверже́ніемъ ми́ра, и та́ко, пресла́вный побѣди́тель, на не́бо возше́ль еси́.

**Научи́ль еси́ насъ премудры́мъ дѣ́ломъ твои́мъ: ничто́же мо́жемъ изнести́ отъ ми́ра сего́, въ о́ньже ничто́же внесо́хомъ. Того́ ра́ди оста́вивъ вре́менная, возжела́въ небѣ́сная, я́же и наслѣ́дивъ, и на́мъ о́нѣхъ не лиши́тися, мо́лимтися.**

### **Сла́ва, гла́сь тойже:**

**По́двигомъ добры́мъ подвиза́лся еси́, течѣ́ніе сконча́ль, вѣ́ру соблю́ль, благовѣ́рный кня́же Алекса́ндре, прочее́ же соблюде́ся тебѣ́ вѣне́ць пра́вды, и́мже вѣнча́ ты и́стинный Мздовозда́тель. Того́ моли́, преблаже́нне, вруче́нному тебѣ́ ста́ду, сыно́мъ росси́йскимъ, спасти́ся.**

### **И ны́нѣ, богоро́дичень, гла́сь тойже:**

**Влады́чице, приими́ моли́твы рабо́въ Твои́хъ, и изба́ви насъ отъ всякі́я ну́жды и печа́ли.**

## Славословіе великое. Ектеніи, и отпусть.

---

### НА ЛИТУРГИИ,

Блаженны отъ канона святаго, пѣснь 3-я и 6-я, на 8. [Прокимень, гласъ 7: Честна́ предъ Господемъ\* смѣрть преподобныхъ его. Стихъ: Что́ воздамъ Господеви о всѣхъ, яже воздаде́ ми? Апостоль, къ Гала́томъ, зачало 213. Аллилу́я, гласъ 6: Блаженъ мѹжь, бояйся Господа, въ заповѣдехъ Его́ восхо́щеть зѣло́. Стихъ: Сильно на земли́ будетъ сѣмя его́.] Евангеліе отъ Матѳея, зачало 43. [Прича́стень: Въ па́мь вѣчную́ будетъ пра́ведникъ, отъ слѹха зла́ не убои́тся.]

Источникъ: Великій сборникъ. Часть вторая: Минія праздничная. — Jordanville: Типографія преп. Іова Почаевскаго, 1956. — С. 335-346. [2-я паг.]